

‘na lagrima de mel...

restarte arent en pöc
vesin, strengiú smanios
e veder dent quei oci
quel sbrigolar de mi

sentir le tó careze
che me se slisa adós
e ‘l dolc saor de mel
che te ‘mprofuma i làori

l’è ‘n quela lagrimota
che scampa de scondon
la rogia besevida
che me ‘ndolcise ‘l cör

e man che par sorisi
che sento struchi al pét
me fá sentirte chi
coi tó sorisi veri

ses sol de primavera
che s’ciares dí pú grevi
co’n sgianz de calt che ‘ndóra
dal tó bel viso avert

me fás volerme ben
se ses ‘ndei mé pensieri
e ‘l vel che ‘l par ‘na rosa
m’ha fat gatar el bel

Giuliano



'na lagrima de mel...